



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 859. Usque Ad Annum 887

**Fleury, Claude**

**August. Vind. [u.a.], 1760**

**VD18 90117875**

§. 37. Absolutio per Epistolam.

---

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

Sæculum IX.

A. C. 876.

Unde cognoscimus, quam sapienter Auctores Canonum decreverint, ut omnes causæ in ipsis locis finirentur, & quantum contra Canones pugnet, compellere Episcopos ad profectionem Romanam usque suscipiendam, ut ibi sua iudicia defendant.

§. XXXVII.

*Absolutio per Epistolam.*

Cum Hildeboldus Episcopus Sueffionensis, qui Concilio Pontigonensi interfuerat, gravi morbo decumbens confessionem suam scriptam Hincmaro Metropolitæ suo misisset, is satisfactorum se credidit, si in tota Diœcesi Remensis preces pro ægrotante recitari præcipere; sed Hildeboldus receptam iterum confessionem Hincmaro secundo mitens, deferente Presbytero, petit literas absolutionis. Grata fuit Hincmaro hæc devotio; quare, data ad Episcopum Sueffionensem Epistola, dilaudat Sacerdotalem potestatem dimittendi peccata & absolutionem generalem formula precatoria impertitur. Tum addit: *Cum ipse infirmo corpore ad te invisere non possim, spiritu accedam, rogoque fratres nostros Presbyteros, ut tibi faciant, quod ego, si adessem, facerem. Mitto tibi etiam per hunc Presbyterum Oleum, (\*)*

*Hincm opus.*

40. to. 2.

p. 686.

(\*) Probatur usus Sacramenti extreme unctionis contra Proteſtantes.

quod ego ipse benedixi. Præterea moneo te, ut cautissime agam, non enim dubito, quin id ipsum jam nunc feceris, præter hanc confessionem generalem, necessarium esse, Deo & Presbytero singula (\*) peccata tua cum adjunctis, ab ineunte ætate usque ad hanc diem commissa, confiteri. Sufficit quidem semel Presbytero omnium & singulorum peccatorum nostrorum confessionem exposuisse, nisi relapsi fuerimus. Si quis autem relabatur, ad penitentiam oportet confugere, & meminisse, nihil prodesse dolorem de peccatis, nisi deinde devitentur. Quod spectat ad peccata quotidiana & levia, ea quotidie fratribus nostris confiteri debemus, ut per eorum orationem, atque bona opera deleantur. Facile Lector dignoscet, ab-  
 solutionem scriptam, ab Hincmaro transmissam, fuisse aliquod indulgentiæ & benedi-

Sæculum IX.  
 A.C. 876.

v. Morin.  
 pæn. l. VIII.  
 c. 25. n. 45.

O o 5

nedi-

(\*) Ex hoc testimonio contra Protestantes conficitur, viguisse consuetudinem, ut Fideles peccata sua Sacerdoti in secreta confessione proponerent. Id vero hodie DD. Prædicantes prudentius omittunt; ut quid enim alteri Collegæ delicta sua non sine rubore aperirent, eos absolvendi potestatem non habenti, quæ extra Ecclesiam Romano-Catholicam non datur? Secundum hos Sacræ Scripturæ Interpretes (si Diis placet) otiose locutus est Dominus, cum dixit: Quorum remisistis peccata, remittuntur eis &c. Joann. XX.

Sæculum IX.

A.C. 876.

nedictionis genus, non vero absolutio-  
nem Sacramentalem, cum præsumat, om-  
nia peccata secreto esse Presbytero ex-  
ponenda. Tum confessionem genera-  
lem, cujus hic mentionem facit, esse il-  
lam, quam hodieque *confiteor* appella-  
mus, aliasque similes preces, nullo pec-  
cato speciatim nominato, recitari so-  
litas.

## §. XXXVIII.

*Ludovici Germanici obitus.*

Concilio Pontigonensi soluto, Impera-  
tor Carolus duos Legatos Leonem  
& Petrum, muneribus cumulosos, do-  
mum remisit, & comites dedit Anlegi-  
sum Senonensem, Adalarium seu Adela-  
garium Augustodunensem, sicut Papa  
velle se significaverat. Exacto deinde  
unius mensis spatio, sicut in Concilio  
præstitutum fuerat, Imperator duos prio-  
res Papæ Legatos Joannem Tuscanen-  
sem, & Joannem Aretinum, cum Odo-  
ne Episcopo Bellovacensi, aliosque Ora-  
tores suo nomine ad Regem Ludovicum  
Fratrem suum, ad ejus filios, ad Epis-  
copos & Regni Proceres misit; quibus  
vigesima octava Augusti profectionem  
susipientibus, eadem die e vita exces-  
sit Rex Ludovicus in suo Palatio Fran-  
cofordiensi, postquam ab obitu patris  
sui annis triginta sex regnasset. Sepul-  
tus

*Ann. Berti.*  
876.*Jo. ep. 23.*